

臨川王荆公先生文集卷之八十八

神道碑

贈太師中書令勤威馮公神道碑

翰林侍讀學士知許州軍州事梅公神道碑

司農卿分司南京陳公神道碑

虞部郎中贈衛尉卿李公神道碑

護衛忠果功臣侍衛親軍步軍副都指揮使威

塞軍節度新州管內觀察處置等使銀青光祿

大夫檢校司空使持節新州刺史兼御史大夫

上柱國始平郡開國公食邑二千一百戶食實

封二百戶累贈太師中書令兼尚書令進封魯

國公謚勤威馮公神道碑

馮氏有家於滑州之白馬者莫知其始所以徙至魯公而嘗以公開國於始平日其本出於漢杜陵楚相唐之後也公諱守信字中孚自為兒童狀貌嶷然慷慨有大意人固已竒之矣既冠從其鄉人受學以三禮舉於鄉會太平興國初取兵民間公出應選有司以公儒者欲免之公曰吾以子弟免而父兄任其勞此儒者所不為遂行以才武給宿衛 太宗征河東公奮身冒矢數取俘馘以獻行在太宗壯而勞之以功數遷至弓箭直副指揮使 真宗兩駕河北 命公帥其所領先驅以禦契丹公所斬虜最諸將遷天武軍都指揮使封州刺史充御前忠佐馬步軍都

軍頭公雖在軍旅數以孝經論詩為人講說人尚以儒者目之至是 真宗召問出孝經使講公講天子一章因言自天子至於士不可以無學學不必博孝經論語皆聖人以誨學者言行之要臣愚不足以盡哉然所以事陛下不敢一日而忘此 真宗嗟嘆者久之由封州數遷至捧日四廂都指揮使英州防禦使知瀛州兼高陽關都部署由瀛州召還領步軍司公事當是時河決滑州天子以為憂問誰可使者公自言以長河上能知河利害詔以公為侍衛親軍步軍副都指揮使容州觀察使知滑州兼修河都部署河怒動埽埽且陷公坐其上指畫自若也遂號其部人以一日塞之 天子賜手書特諭召還領步軍如初

已而遷成塞軍節度使是歲天禧五年也公年六十六以
八月二日薨于位 天子悼慟為之罷朝二日贈太尉賜
錢三百萬勅宣慶使蔣州團練使韓守英禮部郎中直集
賢院石中立給護其喪事遂以其年九月二十四日葬開
封之祥符縣黃溝鄉大里之原公曾祖諱令祖諱琦皆不
仕考諱蘊贈官至左屯衛大將軍先夫人劉氏玉城縣君
後夫人張氏清河郡夫人子男十三人於是文懿左侍禁
文吉文握文德文慶文顯文質文貴文鏞並石班殿直文
燦文俊並右侍禁文郁文惟幹已卒公考諱忠篤遇人有
恩祖母夫人疾病公不釋帶以侍視數月常患世醫不足
願以為養方學方藥遂通其術公第常飲上其子為公子

以取高價公對之慨然曰吾自行世家王上授擢至此
棄軀以報父矣顧夫有所奈何歎之是歲并公子無所
曰以明吾心於弟非有愛也帝城董方廉直為公所友其
卒有二女無以嫁公為選上辦裝嫁之如已子公將兵治
民寬簡有法故人人畏愛之而無敢犯所居有迹賢士大
夫多稱之者公葬之三十二年而以其子故累贈至中書
令兼尚書令追封魯國公又二年始請謚於 天子而
天子賜之謚曰勤威又五年文顯為西京左藏庫副使提
點開封府界諸縣鎮公事始作碑以表公墓而以銘來請
予問諫於太常問書於太史問諸故老以考公子之所生
而得公之所為如此於是為銘曰

允文 真宗俊藝在工相協予武有來馮公馮公額額奮
節金華有聲中邦外動夷狄自公在野手不去經率其所
學以撫戎兵公之所撫貔貅豹虎指麾進退安若兒女武
室以禮文罷於柔維時馮公兩取其優孰施其文有壤干
里孰致其武宿衛 天子

帝咨馮公爾往視河河決已塞滑人來歌 帝聞而嘉勞
以手勅公拜稽首匪臣之力 帝曰來爾子釐爾勤授之
旌節留堂我軍方朝告薨有詔罷視弔贈賻葬哀榮終始
追拜為尚書中書賜爵國公朕以魯墟士生顯榮波則
多已維時馮公至今受祀在周方虎威有褒詩至漢交國
推為之辭誰能詩公流示無止刻碑墓門公實有子

翰林侍讀學士知許州軍州事梅公神道碑

翰林侍讀學士正奉大夫行給事中知許州軍州事

管內堤堰橋道勸農事上柱國南昌郡開國公食邑二千

三百戶食實封六百戶賜紫金魚袋梅公之墓在宣州宣

城縣長安鄉西山里公有五子鼎臣德臣寶臣輔臣清臣

清臣今獨在為尚書司門郎中以公行狀及樂安歐陽公

之銘來請文以刻墓碑時熙寧元年八月四日也銘曰

公先梅伯後氏其國彌周涉秦不見史策有銷有福著漢

名籍公福之孫詢字昌言三世弗仕陵陽之里公第廷中

判官利豐再歲而擢以丞將作以宰仁和人譽用多主推

御史待考進士一見 天子以為知已詔曰試哉遂試中

書館之集賢賜服緋魚於時繼遷兵我西鄙老弱魏守丁
疆多死靈州告危 帝視不怡公請擇人使潘羅支兵法
所謂以夷攻夷 帝曰誰可無如 臣者曰予汝嘉閉陷柰
何公拜且跪颺言而起苟紆西師臣不愛死出書授之往
訖爾謀至疆勅還會葉靈州 帝察公藝可書 帝制相
或止之留佐三司其後羅支果窘西賊論將料敵皆如所
策或從或違或擠或推括合阻夷神者公戶黜之倅州用
獄一青去杭而蘇列國東屏漕輸湫河就付將領三年告
功僅得故者又以譴投守彼淮州有簡許公相得於此與
之欣然樂以忘徙使于湖北遷自濠梁又奪一官往禪于
襄坐發驛馬給衣者于鄂于蘇副將之行握節關中

其輸炮燭全章厥賜特殊謀復靈武度兵萌蓋蔡有將瑞
諾公與俱會瑞召還公復淪胥有反咸陽能名氏朱始維
弗察後捕而誅自懷祖池再副戎車 真宗新陟罪垢皆
滌為郎度支以將廣德外更四州楚壽陝荆乃選待制中
糾獄刑有歸龍圖其唐殂殖就以學士專其閣直輟之銓
衛乘傳臨并超遷即秩進直樞密趣歸封駁考圖中失申
命選事得權進紕加職侍讀改司群牧移之審官審是在
服伐閱積遷給事于中告疾出許鼓歌從容方公少壯志
立人上談辭慨然 帝悅而嚮及後晚出皆為將相公則
老矣將歸田里康定辛巳六月十日公七十八以其官卒
公開南昌勳爵第一夫人曰劉不及郡封封君彭城其卒

先公公卒明年季秋杪日于州山西卜楸而吉公有四子伯為進士丞于殿中與仲前死仲賜科名叔也皆丞將作殿中或廢或興有顯惟季時丞衛尉今為郎中論序初終實來求詩刻示無窮

司農卿分司南京陳公神道碑

司農卿分司南京陳公既以嘉祐七年九月某甲子葬開封府之祥符縣西韓村皇考魏公之塋至十二月公子世範等乃來求銘以作公碑蓋公昆弟皆從先人游而某又嘗得識公父子故為序其實而繫以銘序曰

公諱某字良器以贈太師尚書令兼中書令衛國公諱嵩者為曾祖以贈太師尚書令兼中書令魏國公諱光嗣者

為祖而尚書左丞集賢院學士諱恕之子也左丞

真宗時參知政事後以其子岐公之貴而贈至太師尚書

令兼中書令魏國公公岐公之弟也而於魏公為少子年

六十八以嘉祐七年六月得疾分司而以乙巳棄世于陳

州階至朝散大夫勳至上柱國爵至穎川郡開國子食邑

至六百戶賜紫金魚袋官終於司農卿而所更者祕書省

正字太常寺太祝大理評事光祿大理寺丞太子中舍殿

中丞國子博士尚書虞部比部駕部員外郎郎中司農光

祿少卿少府監任終於知陳州而所歷者監禁州衡州酒

稅知衢州江山縣知南恩州通判江揚洪廬潭州知衡州

監江寧府糧料院知興化軍知均州判登聞鼓院知曹州

判殿中省知郢州鄭州其通判揚州廬州皆有所避不赴
知郢州則未赴而徙凡仕四十三年蓋其行事可記者衆
矣而公子所能記者在江州人大饑且疫公爲具饘粥醫
藥不足則取廬山諸佛寺餘財以續之所活以萬數有盜
刈人之禾而傷其主者當死公曰古之荒政所以恤人者
盡矣然尚緩刑況今哉即秦貸其死洪州大水城之不滅
者十五水得城實以入舉城惶擾不知所爲公豫具新粟
不終日以塞州人德之曰無陳公吾屬如何矣衡州之南
山廣表百餘里與夷接境大水蒙密中國人逋逃其中冒
稱夷人數出寇常寧諸邑其酋有挾左道者人傳以爲能
致風雨官雷元璋之公誘以恩信則率衆數百來自占已

而與其理亡去又將爲寇州人皆恐公設方略以一日捕
得殺之天子賜詔書褒諭公因圖上山川形勢攻取之
策以爲暇今不除黨附日衆夷人謂中國無能爲必出助
之可須臾際發千人使操斧斤隨以強斲斬木除道則賊
失所恃不攻而自窮又出其材可以佐經用奏未報轉運
使害其重劾公擅擊斷不聽用佐吏又嘗稱病不自祭炎
帝公坐此罷州人乞留不得而賊果侵尋不制朝廷出使
發兵擊之數年然後定興化多進士就鄉舉者常八九百
人而卒全弊小无文籍公至則新而大之爲之購書而國
子之所存者皆具均州漢上舟子數溺商旅取貨財而以
險爲解公捕宰寘法因取近灘數家除其徭使表水險涉

者因此得不死曹州多盜亡命之尤凶強者七十餘人公
集重購得之幾盡又脩律令五家爲保之法故盜往亡逃
去之它境蓋公施於政者能如此公嘗爲書十二篇上之
曰因政要事其說多聽用而中書欲遷職事以獎之公乃
自言外祖王氏葬揚州无主後願除淮南所當得之一官
以往視其墓而已岐公之葬也 天子自曹州召公歸
襄事特詔許公升殿公謝岐公遭遇始終恩禮之厚因乞
御篆岐公之碑首上爲動容賜其首曰褒忠之碑而公終
无一言自及旣分司无出園慨官屋以居自爲棺斂葬埋
之制趣於儉而已少長好書以至於老於篆籀尤善有集
二十卷其文能世其家者也夫人馮氏江南李氏時宰相

延巳之孫子男五人世範前商州洛南縣尉世安前
新會縣令世脩大理寺丞世永將作監主簿世齊太常寺
太祝女四人長適大理評事柳安期次適右班殿直王允
懿次尚幼也陳氏漢太丘長諱寔之後故其望在潁川而
世居洪州之南昌縣當唐末五代之亂無仕者魏公布衣
起閭巷明敏諒直稱天下仍父子執國柄而至岐公尤盛
公於仁嘗齟齬然尚至九卿以榮祿自終蓋太丘之仁隱
阨於一時而紀謀群秦貴顯者數世豈魏公之先遭世不
治亦有潛德晦行如太丘者乎不然何其後世之興如此
是故不可以無銘也銘曰

虞賓復隨其後爲陳屢絕復封以承聖人至漢太丘棄時

魏晉子孫世食既又困窮乃生魏公魏公之出
就德詒祿魏晉子孫世食既又困窮乃生魏公魏公之出
魁名碩實有公有卿饋祀其室公則盛矣 天子所思繩
繩維卿亦顯于時治官牧民入出具宜胡公之虛大位之
里兩有州國紹榮本始歸葬後郊皇考在前峙此銘詩為
告新阡

虞部郎中贈衛尉卿李公神道碑

嘉祐八年六月某甲子制曰朕初即位大賚群臣陞朝者
及其父母具官其父具官其率德蹈義不躬榮祿能教厥
子並為大臣加賜名命序諸卿位所以勸天下之為人父
者豈特以慰孝子之心哉可特贈衛尉卿某甲子中
書下其書告第又副其書賜實等以待其墓實等受書具焚

其副奠上乃撰次衛尉官之行治始卒來請曰先公願天子
慶施賜之官三品矣而墓碑未刻惟德善可以有辭于後世
者七子實聞之某曰然衛尉公墓遂宜得銘矣必是為
序而銘焉序曰

公姓李氏故隴西人七世祖諱某始遷于光山五世祖諱某
以其郡人王閩從之始為安人曾祖諱某皆不詳考諱
某嘗仕江南李氏稍顯矣江南國除又舉進士中第以殿中
丞致仕有學行名能知人贈其父大理評事而已亦以子
貴贈至吏部尚書遊穆于樂其湖山曰吾必終於此於是始
為豫章人尚者之子伯曰虛也官至尚書工部侍郎以才能聞
天下其季則公也公諱某字公濟少篤學讀書兼晝夜不息


一以進士舉不中即以昆陰為郊社齋即再選福州明着洪州靖安縣尉有能名遷饒州餘干縣令至放雙淫祠取其材以為孔子廟奉縣人之委以者興于學豪宗大姓斂宇不敢犯法州將部使者奏之與京官移之劇縣不報而坐不覺獄卒殺人以免堂是時侍郎方以分司就第公曰吾兄老矣我得朝夕從之游以灑掃先人廬家尚何求而仕遂止不復言仕侍郎之卒也天子以公試秘書省校書郎知江州德安縣事辭不就後嘗一至京師大臣交口勸說欲官之終以不可強也而晏元獻公為公請乃除太子洗馬致仕初尚書未去七棄其官以歸至侍郎及公之退也正當未老自尚書至公再世自

有子而此以嚴治其家如吏治江西士大夫慕其世德稱其家法蓋近世士多外自蒞飾為名而內實罕能治其家及老往往傾利冒恥不知休息公獨父子兄弟能如此嗚呼其可謂賢於人也已公事親孝比遭大喪廬墓六年然後已事兄與其寡姊衣食藥物必躬親之及公老矣二子就養如公之為子弟也寬嘗為江浙等路提點鑄錢坑冶又嘗提點江南西路刑獄定亦再為洪州官不去左右者十二年皆以才能為世聞人以恩遷公官至尚書虞部郎中階至朝奉郎勳至護軍以嘉祐四年七月某甲子卒於豫章之第室年八十九夫人長壽縣君趙氏先公卒八年既葬美五年其月某甲子以公葬於夫人之墓左曰雷

岡在新建縣之桃花鄉新里夫人故衢州人某官相之女
相有文行尚書與為友故為公娶其女子三人寬定寔寔
守秘書省正字早世於公之葬也寬為尚書司勳員外郎
定為尚書庫部員外郎女子二人已嫁孫二十有一人曾
孫十有五人皆率公教無違者公既葬而二子以恩贈公
衛尉卿云銘曰

季世大家隴西其先於唐之季再世光山移避于閩嶺海
之閒乃生尚書節行有偉始來江南考室章水繩繩二子
隱顯兼榮孰多後祿其季維鄉幼壯躬孝唯君之踐能不
盡用止於一縣退以德義厚身於家外內肅生人不疵嗟
亦有二子維 天子使父以往矣致而臣身子曰歸哉以

寧吾親以率其婦左右恂恂以官就侍 天子之仁既具
社福考終大耄追榮于幽乃賜卿號伐石西山作為螭龜
管之墓上勒之銘詩



臨川王荆公先生文集卷之八十九

神道碑

廣西轉運使孫君墓碑

贈左屯衛大將軍李公神道碑銘并序

淮南江浙荆湖南北等路制置兼都大發運副使

贈尚書工部侍郎蕭公神道碑

尚書工部侍郎樞密直學士狄公神道碑

尚書屯田員外郎贈刑部尚書李公神道碑

贈禮部尚書安惠周公神道碑

廣西轉運使孫君墓碑

君少孝聞勤苦寄食浮屠山中步行借書數百里并樓誦

之而去其階蓋數年而具衆經后遂博極天下之書爲文
持筆布紙謂爲方思而數有千言已就以天聖五年同李
寃出身補滁州來安縣主簿洪州右司理再奉進士甲科
遷大理寺丞知常州晉陵縣移知潯州潯當是時人未趣
李乃改作廟李召吏民子弟之秀者親爲據按講說誘勸
以文藝居未幾旁州士皆來李亡者由此遂多以選通判
耀州兵上有訟財而不直者安撫使以爲直君爭之不得
乃奏決於大理大理以君所爭爲是而用君議縮於勅廢
曆二年擢爲監察御史襄行於是彈奏狄武襄公不當沮
敗劉滄求洛城事又因日食言陰盛以后官爲戒
仁宗大獵于城高衛士不及整而歸以夜明日將復出有

雉墮于殿中君奏疏即是夜有詔止獵蠻唐和寇湖南以
君按撫奏事有所不合因自劾乃知復州又通判金州知
漢陽軍吉州稍遷至尚書都官自好郎提點江南西路刑
獄有言常平歲凶當稍貴其粟以利糴本者詔從之君言
此非常平本意也詔又從之儼知高反君即出兵二千於
嶺以助英詔會除廣西轉運使馳至所部而智高方煽
天子出大臣部諸將兵數万擊之君驅散亡殘敗之吏民
轉芻米於惶擾卒急之間又以餘力督守吏治城漸脩器
械屬州多完而師飽以有功君榮居多以勞遷尚書司封
直外郎初君請斬大將之北者發騎軍以討賊及后賊所
以破滅皆如君計策軍罷而人重困方恃君緩扼君乘險

阻日瘴毒經理出入啓居死時以皇祐三年三月初七日卒于治所年五十四官至尚書工部郎中散官至朝奉郎勲至上騎都尉君所為州整齊其大体闕略其細故與賓客談說弦歌飲酒往七終日而能聽用佐屬盡其力事以不廢在御史言事計曲直利害如何不顧望大臣以此无助所為文自少及終以類集之至百卷天德地業人事之治撥拾貫穿无所不言而詩為多君諱抗字和叔姓孫氏得姓於衛得望於富春其在黟縣自君之高祖葉廣陵以避孫儒之亂而至君曾大父諱師睦善治生以致富歲歲賤出米穀以斗升付糴者得雖心於鄉里大父諱旦始棄其產而能招士以教子父諱遂良嘗終時君始十餘歲

後以君故贈尚書職方員外郎君初娶張氏又娶吳氏又娶舒氏封太康縣君五男子

十四論議者書足以驚人終之州軍事推官觀今潞州上

黨縣令亦好李能文狀君行以求銘者邈也君之卒也

天子以适試祕書省校書郎二女子一嫁太廟齋郎李簡

夫一嫁進士鄭安平君以其卒之年十二月二十五日葬

黟縣懷遠鄉上林村教之為州在山嶺澗谷崎嶇之中自

去五代之亂百年名士大夫亦往往而出然不能多也黟

尤僻陋中州能入資士之所罕至君孤童子徒步宦終

以就立為朝廷顯用論次終始作為銘詩豈特以顯孫氏

而慰其子孫乃亦以詒其鄉里銘曰在仁宗世黨跳不

制魏師救民。實有膚使武艱。垂危條寢。書音標毒。既除膏
瘕。以治方遼。旣隕哀暨。山夷維此。膚使文優。以仕祿則不
殖。其書滿笥。書藏于家。銘在墓前。以告騷人。孫氏之阡。

故贈左屯衛大將軍李公神道碑并序

宋故贈左屯衛大將軍李公墓在河中府河東縣陶邑鄉
仙觀里。紫金山北。初咸平二年。公以東班殿侍隨彰國軍
節度使康保裔部軍于高陽關。契丹內侵。真宗狩于魏
大將恃城千里。閉逃保裔。以其屬出。公提火卒所戰。輒破
寇。搏我疾。孤堅弗支。卒軍陷。乃以義。當是時。十二月
五日也。公年四十六。有詔。賻錄。公子樞。以為西班殿侍。
蓋六十九年。而樞以行。洽勞。刻積。官至皇城使。行州團練。

使而嘗一再辭賞。以求追榮其父母。天子亦數推恩。以
及朝士大夫之親。而公尤贈官。自太子左清道率府副率
至左監門衛大將軍。逮今上即位。則再至三品。而公夫
人朱氏亦封錢塘仙遊永安縣太君。太君有美志。純行年
六十三。以天聖七年六月六日卒。於其子之官舍。而以嘉
祐六年十一月十一日。與公合葬。公幼而愿。恭長而敏。武
涉書。喜謀。將有以為。而卒不克。蓋知者傷焉。唯忠壯不屈。
以詒祿于其右。世而團練。君實能力承。以大厥家。噫。其可
銘也哉。李氏世家。鄭之原。武公諱與。字仲奉。曾祖諱顯。祖
諱光。父諱元。趙皆弗仕。公生一男二女。二女皆早死。孫六
人。其二。人早死。祭今為尚書都官郎中。餘皆以父廕仕。昌

齡終三班差使葉今為右班殿直葉今為左班殿直銘曰
李姓之始聘周隱史厥家鄭邦伐晦其光公奮自田啓暗
班行匪熊匪羆彼万其旅帝祖伐之孰致予武操戈以先
所遇斃逃曰敵可盡其來滔上終沉于戎唯義之濟閱有
傳祿追崇以暨誰无孫子錫命在幽我以吾功克稱无羞
詒詩后觀有石道周

故淮南江浙荆湖南北等路制置茶鹽糶酒稅
兼都大發運副使贈尚書工部侍郎蕭公神道

碑

蕭氏故長沙人也去馬氏亂遷江南又為廬陵人公曾祖
諱齊仕李氏終澧州武寧縣令祖諱煥考諱良輔皆不仕

公諱定基字守一用天禧三年進士補岳州軍事推官以
母夫人陳氏喪罷後除慶州觀察推官人餓說州將以便
宜糶倉米秋糶償之所採活甚多監納潭州茶米卒者十
八人遷大理寺丞知臨江軍新喻縣移監成都府市買務
屬引二江漑諸縣田多有約李順為亂時成都大豪樊
氏盜約攻一晝夜為田此他縣歲賂樊氏縣乃得其餘水
訟二十年不決轉運使以屬公七日約所以為均即不均
約不可恃也乃親決水視一晝夜而樊氏縣水有餘樊氏
即伏罪諸縣得水如故約轉運使以為能卒知黎州七近
臺出善馬異時勢人多以託守公一拒絕蠻大喜於是累
遷至太常博士以博士召兼監察御史裏行成都王駿請

鑄小鐵錢為大錢當十銖十得三其廢十得三十也公疏
以為不便而駁議詎中貴人妄告兩浙轉運使罪以公往
治直之蘄州王蒙正恃勢賂橫循誣屬縣長罪死又以公
往治告隨吏曰蒙正賂汝受之以告我家止果賂吏直三
百萬公因以正其獄 仁宗欲官公一子公乃以讓其隨
吏除開封府判官於是自監察再遷至侍御史除江西水
陸計度轉運使奏事稱一上意賜三品服三司稅賦鵬鵝
羽民入一尺費餘百錢奏以鵝鵝代之宜州蠻為寇乃移
廣西兼安撫公馳至問所以反曰吾知之矣乃蒐諸州澄
海忠敢士万人守要害諸將賊至乃擊歸則已蠻不復
動明年邕州甲洞與永平寨將秦珪爭銀冶殺珪反逢大

擾公曰蠻何敢矣必有以致之問之果然乃廢銀冶誅
道賊熟戶數十人又移交州討殺狂者而邊遂定

仁宗曰邊吏好生事蕭某如此可召用三司度支判官王
琪使江淮浙議鹽酒事請公俱往乃除三司鹽鐵判官與
琪俱使江淮浙議鹽酒事至吉州除江淮浙荆湖制置茶
運副使以官卒于家享年五十四實慶曆二年五月十四
日以其年九月二十日葬廬陵偏行卿故舍之原公寬厚
寡欲內行孝友稱於鄉里尤知為吏在所皆有產續夫人
河陽縣君毛氏五男子汝砺汝諧汝器汝士汝輿皆進士
汝砺終太常博士汝器終殿中丞汝諧今為尚書屯田員
外郎汝士今為永州祈陽縣令故累贈至尚書工部侍郎

而墓碑未刻故諧請曰先人於王氏有故子銘士大夫多矣某曰然是宜以厲我乃銘曰

蕭氏食鄱浞功之冠卒成齊梁以戾于唐人不絕史與唐終始厥遷廬陵來自長沙使乎御史于宋初家折獄禦戎有聲無諱祿則世繼而年不遐揚詩墓石以相哀嗟

尚書工部侍郎樞密直學士狄公神道碑

狄氏故并人唐武后時有以諒直至宰相者有功中宗以及社稷是為梁公公梁公之十四世孫也諱某字輔之曾祖曰崇謙連州桂陽縣令祖曰文蔚全州清湘縣令考曰希顏徐州錄事參軍及公貴贈錄事君至兵部尚書而公母李氏封阮西郡太君蓋梁公之後有恭慕者亦有名蹟

至大官其後祿仕不終然浸微非顯及公乃以行能為時用出使入侍終尚書工部侍郎直樞密為孝士天下稱為善人長者公少孤力孝中咸平三年進士甲科其官自大理評事歷大理寺丞殿中丞太常博士尚書屯田都官職方員外郎祠部刑部郎中大常少卿右諫議大夫給事中其職自直昭文館歷左圖閣直學士其初任知袁州分宜縣后知開封府司錄通判鄧州成都府為開封府判官使京西成都府路轉運又使制置江淮荆浙再判吏部流內銓知審官院知壁廣滑魏隨陝鄭同揚九州河中河南二府其知陝州河中府以趙元昊及擇西方守吏其知隨州則坐在魏時軍事有驕不遜者不即治其知揚州則不

及赴而卒于京師慶曆三年二月十七日也享年六十七
公博厚篤實未嘗妄言笑雖有喜愠未嘗見色終身不言
人過惡罷南海所齋无南物在陝中貴人有力者言將授
公於上公為不聞接以它語退而歎曰吾束髮至此得爵
祿皆以義可以老而自污耶蓋其廉如此其治民出於寬
仁不忍雖以此嘗得罪然自若弗悔也當時士大夫聞其
死多歎惜累階至中散大夫勳至上柱國爵至山陽郡開
國公食邑二千一百戶食實封四百戶夫人武城縣君路
氏左司諫知制誥振之女初公以布衣見路公路公即養
公文李行治妻以其子生六男 遵道遵度遵禮遵懿遵
略遵祥遵度當田大理初善為古文字義甚高嘗為襄州襄

陽縣主簿不幸 早死君子莫不傷之遵路為大常寺奉禮
郎与遵道遵懿 遵祥亦皆早死遵禮今為尚書虞部員外
郎六女子嫁衛尉卿王罕衛尉卿魏琰樞密直學士何中
立尚書駕部郎中王信民二人早死狄氏當五代之亂占
潭之湘潭至公 始葬武城君於許州陽翟縣張澗里故以
公合葬也 以慶曆五年既葬二十年而遵禮來求銘又刻
之墓碑銘曰

維狄先公開號於梁扶國奉帝仁秉義剛施垂子孫祿不
曠仕歷世十四公為循吏內行振七知必以與人無恙无忌
考終厥身陽翟古墟有幽新里銘詩不磨彼石之視

尚書屯田員外郎贈刑部尚書李公神道碑

朝奉郎尚書屯田員外郎通判杭州軍州兼管內勸農事
上輕車都尉賜緋魚袋贈刑部尚書李公諱陟字元昇少
以進士奉太孛衆推才高不妄交游獨与故相張文節公
友善淳化中用甲科補河南府澠池縣尉群盜阻殺以略
行人朝廷出中資人傳捕公率其屬捕殺之盡以故為轉
運使所奏留再任方賞遭父喪去而契丹犯河北卒亡命
相聚為寇所居內黃兵擾令尉初不自保公為設方略擒
賊縣賴以无事改除具州司理參軍州將遂公肅知公能
有難輒以公逐劇賊用一日馳百里悉縛取以歸於是
州及轉運使為論功驛召見除大理寺丞知澶州什邡縣
改殿中丞知秀州嘉興縣 真宗東封改太常博士通判

通判軍又以祀汾陰改尚書屯田員外郎河決奪一官監
真州鹽倉杭州言浙江隄壞不可治詔江淮荆浙發運使
率可用者以公通判杭州隄成度用財力甚省而完且可
久乃復得故官留再任當是時呂文靖公提點刑獄尤知
公極論薦以為材且召除御史矣會母夫人死公行內修
事母尤以孝聞所收恤親屬多貧不能北歸留治喪南京
哀成毀甚未及服除而卒年五十三天禧三年六月八日
也留守王沂公聘助之乃能具棺殯凡五娶賈氏高氏張
氏耿氏最后遂氏封太康縣君今皆贈郡太君遂民則具
州遂公女也遂公彊明少所可知公而好之故女以其子
太康有貧行蓋見於國史公二男四女男曰中庸守大理



原件短缺

P10

寺丞致仕曰中帥給事中天章閣待制西京留守女嫁太子中舍尋復具州漳南縣令葛初平尚書比部員外郎張參其一早死公初以文執自進然善吏事所至強果辨治終以愛利為人所思嘉祐七年十一月二十三日葬于衛州新鄉縣貴德卿戒海里至熙寧元年十月乃始作銘刻之墓碑李氏故博平人後徙內黃曾祖諱祚弗仕祖諱守澄開封府襄邑縣尉考諱珣殿中丞銘曰

矯上李公升自
辭科啓迹澠池終功浙河課文曰治武奏厥多毀于大喪
曾不及睹素琴未御虞殯遂歆垂延在石龍祿有邪兆衛西南彼地被陲退秩榮矣哀如之何

贈禮部尚書晏惠周公神道碑

及在樞密進止侃七不以丁晉公方盛為之訕節故為所逐公好收挽後進士得一善汲七如世之夸者為已進取未嘗問家人生產好讀書善為文有文集二十卷獨奏事諸草則公既焚之矣死在者愛其第越甚篤与越皆以能書為世所稱每書輒為人取去積階至金紫光祿大夫勳至上柱國爵至汝南郡開國公食邑至四千一百戶食實封至九百戶嘗為東京留守判官東封考制度副使亦皆真宗所自選也周氏世為淄州鄒平人公曾祖考諱某祖考諱某皆儒者以季行知名山東考諱某仕歷御史終尚書都官員外郎及公貴贈曾祖考某官祖考某官考某官公夫人王氏北海郡夫人先公一年卒於公之卒也公子

延荷為大理寺丞延讓為太常寺太祝延壽為東頭供奉
官閣門祗候延雋為大理評事以其年某月某甲子葬公
鄭州新鄭縣平康鄉之北原而以王氏祔其後若干年公
子延雋為尚書都官郎中累贈公至某官始追序公世次
闕闕行治來請曰先人名位功德嘗顯矣而墓碑无刻諸
孤獨延雋為後死微夫子許我則無以詒永久嗟乎公之
事遠矣蓋雖公子有所不及知故所次止於如此然觀公
所以進而公之材可見視公所以遂而公之行可知標也
乎一世之名臣矣所次如此不為畋也銘曰

群欽侯也御平 帝所出入百年將相文武有如周公左
右 真宗自初 繼仕以至謀國 海頭嶮夷考終一德公去

州郡無民不思公來朝廷 天子所知登論造功 德德
隲誰私黨讎用國威福間上不豫乃讒乃遂既投有罪而
少公歸退施一州遂隕于腓羨矣邦士公之季子銘詩墓
門載以龜趾

臨川王荆公先生文集卷之八十九終

臨川王荆公先生文集卷之九十
行狀

尚書兵部員外郎知制誥謝公行狀

彰武軍節度使待中曹楊公行狀

墓表

德相國贈太尉中書令王公行狀目凡後

貴池主簿沈君墓表

建昌王君墓表

處士征君墓表

鄱陽李夫人墓表

外祖黃夫人墓表

韶州翁源縣令楊府君墓表

常公墓表

鄭君墓表

尚書兵部員外郎知制誥謝公行狀

公諱絳字希深其先陳郡陽夏人以試祕書省校書郎起家
中進士甲科守太常寺奉禮郎七遷至尚書兵部員外郎
以卒嘗知汝之潁陰縣校理祕書直集賢院通判常州
河南府為開封府三司度支判官與脩真宗史知制誥
判吏部流內銓最後以請知鄧州遂葬於鄧年四十六其
卒以寶元二年公以文章貴朝廷藏於家凡八十卷其制
誥世所謂常楊元白不足多也而又有政事材遇事尤劇
尤苦簡而有餘所至輒大興葺舍葺懿明肅太后起二陵
於河南不取一物於民而足皆公力也後河南聞公喪有
出涕者諸生至今祠公像於學鄧州有僧某誘民男女數

百人以昏夜聚為妖積六七年不發公至立殺其者其
餘不問又欲破美陽堰廢職田復召信臣故渠以水與民
而罷其歲役以卒故不就於吏部所施置為後法其在朝
大事或諫小事或以其職言郭皇后失位稱詩白華以諷
爭者貶公又救之嘗上書論四民失業獻大室箴議昭武
皇帝不宜酬上帝請罷內作諸奇巧因災異推天所以譴
告之意言時政又論方士不宜入官請追所賜詔又以為
詔令不宜偏出救易請繇中書密院然後下其所嘗言甚
衆不可悉數及知制誥自以其近臣上一有所不聞其責
今豫我愈慷慨欲以論諫為已事故其葬也戶陵歐陽公
銘其墓元嘆其不寿用不極其材云卒之日歐陽公入哭

其堂襪無新衣出視其家庫無餘財蒸食者數十人三從孤弟姪皆在而治衣繡纈二婢平居寬然貌不自持至其敢言自守儻然壯者也謝氏本姓任自受氏至漢魏尤顯者而盛於晉宋之間至公再世有名爵於朝而四人皆以材稱於世先人與公皆祥符八年進士而公子景初等以憲官行事來曰願有述也將獻之太史謹撰次如右謹狀

彰武軍節度使待中曹穆公行狀

公諱瑞字室臣真定府靈壽縣人少以蔭為天平武寧二軍牙內都虞候至道中李繼遷盜掠河西銀夏等州後又擊諸部并其衆李繼隆遣廷召等殺出無功而朝廷終棄靈武繼遷遂強屢入邊州為寇當是時公為東頭供奉官

閣門祿候年十九 太宗問大臣誰可使當繼遷者武惠王以公應詔 太宗以知渭州而欲除諸伺使以遣之武惠王至公因讓乃以本官知渭州 真宗即位改內殿崇班閣門通事舍人西上閣門副使移知鎮戎軍當是時繼遷虐使其衆人多怨者公即移書言朝廷恩信撫納之厚以動之是入得書往往感泣於是康奴諸族皆內附咸平六年繼遷死其子德明求保塞公上書言繼遷擅中國要害地終身旅拒使謀臣狼顧而憂方其國危于弱不即捕滅後更盛強無以息民當是時朝廷欲以恩致德明寢其書不用而河西大族逐家妙等逐拔其部人未歸諸將猶豫未知所以應公曰德明野心去就尚疑今不急折其羽

翻而長養就之其飛必矣即自將騎士入天都山取之內
徙德明由此遂弱而至死不敢窺邊大中祥符元年召還
除西上閣門使邠寧環慶路兵馬都鈐轄兼知邠州東封
遷東上閣門使高州刺史再移直定府定州路都鈐轄已
而又以為涇原路都鈐轄兼知渭州公乃圖涇原環慶兩
路山川城郭戰守之要以獻 真宗留其一樞密院而以
其一付本路使諸將出兵皆按圖議事祀汾陰遷四方館
使初章增驕於武巡鹹泊撥臧掘強於平涼公皆誅之而
涇渭之田遂無一羌犯塞八年遷英州團練使知秦州秦
西南羌論斤斯羅宗哥立遵始大遵獻方物求稱贊普公上
書言夷狄無厭足其求必輕中國大臣方疑其事會得公

書遂不許而猶以為保順軍節度使公曰我徂遵矣又將
為寇吾治兵以俟爾遵使其舅賞樣丹招熟戶郭厮敦為
鄉導公即誘樣丹捕厮敦而許以一州樣丹終殺厮敦公
遂奏以為穎州刺史而樣丹亦舉南市城以獻先是張吉
知秦州生事熟戶多去為遵耳目及公誅樣丹即皆惶恐
避逃公許之入贖自首還故地而至者數千人後遂帖服
皆為用至明年囉遵果悉衆號十萬寇三都公帥三將破
之追北至沙州所俘斬以萬計事聞除客省使康州防禦
使其後又破滅馬波叱臘鬼留等諸羌囉遵遂以窮孤逃
入磧中而公斥境隴上置弓門威遠凡十寨自是秦人無
事矣天禧三年召還除華州觀察使以西人之恃公也復

以為鄜延路馬步軍都部署四年遂除宣徽北院使鎮國
軍節度觀察留後簽署樞密院事丁晉公用事稍除不附
已者既貶寇萊公即指公為黨改宣徽南院使出為環慶
路都署又降容州觀察使知萊州晉公貶乃以公為華州
觀察使知青州天聖三年除彰化軍節度觀察留後知天
雄軍又移知永興軍而詔使來朝至則除昭武軍節度使
而復還之天理五年以疾病求知孟州得之會言事者以
公宿將有威名不當置之間處萬以為直定路馬步軍都
部署知定州七年換彰武軍節度使八年正月薨于位年
五十八歲皇帝為罷朝兩日贈侍中謚曰武穆公為將幾
四十年用兵未嘗敗衄尤有功於西方獲悉殺中國人得

以羊馬贖死如羌法公以謂如此非所尊中國而愛吾人
奏請不許其贖又請補內附羌百族以為上軍主假以勳
階爵秩如王官至今皆為成法陝西歲取邊人為弓箭手
而無所給公以塞上廢地募人為之若干畝出一卒若干
畝出一馬至其重斂發兵戍守至今邊賴以實所募皆為
精兵在渭州取隄外筮干川築城置兵以守曰後當有用
此者及李元昊叛兵數出卒以筮干川為德順將軍而自
隄以西公所措置人悉以為便也自二都之戰威震四海
咄囉囉聞公姓名即以手加額在天雄契丹使過魏地輒
陰勤其終人無得高語疾驅至多憚公不敢仰視契丹既
請盟 真宗於兵事尤重慎即有邊手語詰難至十餘反

而公每出一議終無以奪 真宗後愈听信有論邊事者
往往密以付公可否好讀書所如必載書數兩兼通春秋
公羊穀梁左氏傳而尤熟於左氏始娶潘氏馮翊郡夫人
忠武軍節度使同中書門下平章事韓國公美之子後娶
沈氏安國大夫人故相左僕射倫之孫光祿少卿繼宗之
子子男可人信礼賓使知儀州當元昊叛時以乘說大將
不能用及罪之迁韶州以死倚終內殿崇班俱供備庫副
使拒元昊 於瓦亭戰死贈寧州刺史倩右侍禁一女子適
四方館使 榮州刺史王德基孫五人諱諷東頭供奉官誼
右侍禁閤 門祇候評三班奉職 詔班駘直
貴池主簿沈君表

予先君女子三人其季嫁沈子也他口有問予先君之壻
而予告以沈子其知沈子之家者必是其父 能文孝他
日從沈子於銅陵而遊觀其縣 人得沈子必曰是其父
能政事已而予求其父所為書於沈子沈子曰先君卒於
逆旅其書悉為人取去無在者又問其政事曰吾嘗聞於
祖母矣先君為池州貴池縣主簿令不能而縣大治者先
君之力也嘗權銅陵縣事縣人有兄弟爭財者先君能為
办其曲直而卒使之感寤讓財相與同居其去也兩遠人
追送涕泣遠焉而後去其施設之方則吾不得其詳也沈
子遂言曰先君事生嚴喪死哀自族人至於婚友無所不
盡其心終身好書未嘗一日不讀而於酣染嬉戲未嘗豫

也循道守官以不諂其上而幾至於死者數矣故其仕嘗
有去志而無留心唯不得壽考富貴以卒其孝問究其施
設故其文章不多見而獨為士友所知其行義不傳聞而
獨為親黨所稱其政事不大傳而獨為邑人所記日月行
矣不即論次懼將卒於無傳也吾願以此屬子矣予應曰
然子之先君固賢而又有賢子其後世將以大不可使無
考也於是為之論次曰君諱某字某再世家于杭州之錢
塘而其先湖州之武康人也武康之族顯久矣至唐有既
濟者為尚書禮部員外郎生傳師為尚書吏部侍郎贈吏
部尚書尚書生詢為潞州刺史昭義軍節度使自昭義以
上三世皆有名迹列於國史昭義生丹為舒州團練判官

舒州生牢江南李氏時為饒州刺史饒州生廷類

為豪州軍事推

官豪州

止承誨大宋為明州定海縣主簿累贈光祿卿光祿生

王尚書是田郎中知真州軍州事君真州之子天聖二年

以進士起家楚州司法參軍再調為池州貴池縣主簿年

三十六疾卒於京師之逆旅夫人元氏生男子伯堇季長

叔通皆為進士而季長則予先君之壻也君以某年某月

某甲子葬負州城北之原蓋其行義文學政事皆如某子之

建昌王君墓表

君建昌南城人姓王氏諱某字君玉少則貧窶事親盡力
未嘗佚游慢戲以棄一日亦未嘗屈志變節以辱於一人
故雖食蔬水飲而父母有歡愉之心徒步藍縷而鄉人有

畏難之色及其有子則盡其方以教子於是鄉人之子弟皆歸之君隨少長所能以教又盡其力蓋娶邑里周氏女有賢行能助君所爲生四子無怠無怙無慝無悔皆進士無怠早卒而無怙獨中第爲揚州江都縣尉率君之教博學能文篤行不怠然人以爲君能長者以有是子而非特其教之力也君亦嘗舉進士不中某年年六十五以某月日卒於江都其子之官舍明年三月二十四日葬所居縣東屯之原墓久矣無怙始求予文以表君墓當時無怙并台州天台縣令教授於常州其學彌勤其行彌厲其志蓋非有求於茲世而止能使君顯聞於後世庶其在此以予不肖而言之不美也安能有所重以稱君之孝子耶亦論次之如此

處士征君哀表

淮之南有善士三人皆居於真州之揚子杜君者寓於鹽無貧富貴賤請之輒往與之財非義輒謝而不受時時窮空幾不能以自存而未嘗有不足之色蓋善言性命之理而其心曠然無累於物而予嘗與之語久之而不厭也徐君忠信篤嘗遇人至謹雖疾病召筮不正衣巾不見寓於筮日得百數十錢則止不更筮也能爲詩亦好屬文有集若干卷兩人者以醫筮故多爲賢士大夫所知而征君獨不聞於世征君者諱某字某事其母夫人至孝居鄉里恂恂恭謹樂振人之窮急而未嘗與人校曲直好著書能爲詩有

子五人而教其三人為進士某今為某官某今為某官某亦再貢於鄉征君與兩人者相為友至驩而莫逆也兩人者皆先征君以死而征君以其年某月某甲子終于家年七十七噫古者一鄉之善士必有以貴於一國之善士必有以貴於一國此道亡也久矣余獨私愛夫三人者而樂為好事者道之而征君之子又以請於是書以遺之使之鑿諸墓上杜君諱嬰字大和徐君諱仲堅字某

鄱陽李夫人墓表

鄱陽處士贈大理評事黃君諱某之妻太平縣君鄱陽李氏者今太常博士巽之母也年若干公嘉祐五年十一月

乙酉終而以後年十一月丙子從其夫葬鄱陽長順里之西原葬若干年而太君之子所与游者臨川某表其墓曰太君之為女子以善事父母聞於鄉里及嫁移所以事父於舅而致其礼有加焉凡在舅黨者无不礼也移所以事母於姑而致其愛無損焉凡在姑黨者无不愛也相其夫以正而順誨其子以义而慈處士君嘗娶而有子矣蓋視遇之無異於已子其後太君之子以進士起為聞人而州之士大夫皆曰是母非獨能教亦其為善也宜有子初其子為尉於宣州之太平又參處州錄事皆欲迎太君以徃太君曰吾助汝父享祠春秋於此義終不得獨往及為南劍州順昌縣令知洪州新建縣事而處士君已不幸乃曰

吾老矣今而後可以從子故其終在新寢其子之官寢太
君生一男二女男即博士女皆已嫁其幼蚤卒其長者少
受其配事姑以孝聞而不嫁州之士大夫又皆曰是母能
教非獨施於其一男而已蓋其女子亦母之力也於呼豈
不賢哉

外祖母黃夫人墓表

外祖夫人黃氏生二十二年歸吳氏有五十年而卒上三
月而葬康定二年十二月也夫人淵靜裕和不彊而安事
舅姑夫撫子皆無阻適吳氏內外族甚大朝夕相与居歲時
以辭弊酒食相繼接卒夫人之世戚疏愚良一無間言又
喜書史曉大致仕上引以輔導處士信厚聞於鄉子為士

無行繫夫人之助夫人資寡言笑聲若不 能出雖於
人亦不知其曉書史也其孫也故得之詳明道中過舅
家夫人春秋高矣視其禮猶 若文婦然視其色不知其有
喜溫也病且革以薄葬命子 億其可謂以正始終也已舅
藩旣誌其葬四年某還自揚 州復其墓復表曰聖人之教
必繇閭門始後世誌於教者 亦未之勤而已天下相重以
戾相蕩以侈流然斃笑自公 卿大夫無完德豈或文婦然
或者文婦居不識聽屏笑言 不聞隣里是職然也置則悖
矣然其死也聞人傳焉以美 之是亦教之熄也人人之不
能然也傳焉以美之宜也矧 如夫人者有不可表耶於戲

翁源縣令揚府君墓表

君諱某字某故華陰楊氏其為臨江軍之清江人蓋亦已
父矣魯皇祖曰某仕江南李氏為大理評事皇祖曰某皇
考曰某 真宗時以行義聞嘗召之不起初宰相王隨少
時與交善 仁宗即位隨知杭州謀以皇考奉章入賀既
至度不可屈乃已後終推子第一官以與其子得太廟齋
郎君是也初任袁州萍鄉縣尉會令免獨當一縣豪猾吏
民以君少共為十餘獄嘗之君立斷治大服又選饒州德
興縣主簿舉餘干縣令大水民乏食有死者君以便宜出
常平米計口賤糶又誘富人發錢米所活人蓋數萬縣人
遽璉捕盜父因殺子誣璉以求賂君治服語璉曰汝歸
以米百石餉貧民所以謝我 至州州吏疑璉大姓持賂當

是時范文正公為將問璉汝來時長官何言璉道君語公
曰楊某治此不自嫌可以無疑也璉卒得雪歸舖民如君
語蓋君為文正公所信如此而能得民樂輸多此類又除
韶州翁源縣令轉運使舉監廣州市舶司至一月卒年四
十二某年某月某日也以其年某月某日葬某縣某鄉某
里君事後母孝至然謹於人喪或大寒脫衣買絮以赴之
平生如此不一既已未嘗為人道死之日家所有獨其父
書十餘篋舉者甚衆然仕終不遂其可惜也已娶陳氏子
曰濂漳州軍事判官曰通池州建德縣尉皆時所謂才士
也天所以報施蓋將在於是

魯國公贈太尉中書令王公行狀

公諱德用字元輔其先真定人也世以財雄北魯而將公邢公皆倜儻喜赴人急歲飢所活以千計武康公當太宗時貴寵任事以殿前都指揮使受遺詔

輔真宗葬其先公河南密縣縣後分屬鄭州管城故今為管城人焉公先喪其母韓國夫人朱氏事繼母魯國太夫人張氏以孝聞至道二年太宗五路出師以計李繼遷之叛而武康公出夏州當是時公為西頭供奉官而在武康之側年十七自護兵當前所俘斬及得牛羊功為多及歸公又請殿將至隘公以為歸之至隘而爭先必亂亂而繼遷薄我必敗於

是又請以所護兵馳前至隘而陣武康為公令於軍
日至陣而亂行者斬公亦令曰至吾陣而亂行者吾
亦如公令至陣士卒帖然以此行而武康公亦為之
按轡繼遷兵相隨屬左右望公莫敢近於是武康公
嘆曰王氏有兒矣及論功武康公曰吾為大將不可
使子弟與諸將分功絀公不列三年遷東頭供奉官
咸平二年遷內殿崇班三年換御前忠佐馬軍副都
頭景德二年為馬軍都頭大中祥符元年為邢洛磁
相巡檢提舉捉賊男子張鴻霸聚黨界中為盜朝廷
以名捕久之不得公以羶車載壯士偽服為婦人誘
之於野於是鴻霸值其黨三十一人皆得朝廷以為

能移陝西東路提舉捉賊自陝以東為盜者聞公擒
鴻霸事皆惴恐逃去五年為環慶路指揮使奏事上
前忤旨責授鄆州馬步軍都指揮使是歲武康公薨
天子命公乘驛護喪歸京師已而還其舊職七年遷
散虞候散都頭八年遷散員內殿直都虞候天禧四
年為殿前左班都虞候柳州刺史乾興元年遷捧日
左廂都指揮使英州團練使天聖三年改博州團練
使知康信軍城懷公使禁軍為築築者久之而無敢
竊言望公使已以非其事者城成 天子賜書大論
五年移冀州兼馬部軍都部署是歲除康州防禦使
龍神衛四廂都指揮使又除捧日四廂都指揮使六

年除侍衛親軍步軍都虞候歸就職又除環慶路副都部署不行八年除并代州馬步軍副都部署又除幾前都虞候十年除桂州觀察使侍衛親軍步軍副都指揮使權馬軍都指揮使諸將皆遷與士之請焉者皆不未有司而得故事取糞錢於軍以給公使自公始罷之使各置庫以待其軍用明道元年除福州觀察使軍人挾內詔求為軍吏公爭曰軍人敢挾詔以干軍制後不可復治且軍吏不可使求而得得則軍人必大受其侵明肅太后固使與之公固不奉詔已而太后亦嘗卒聽公及太后崩有司請衛士皆坐甲公又不奉詔曰故事無為太后喪坐甲也於是

天子心賢公以為可用及聞太后宮得爭軍吏事遂以公檢校太保簽書樞密院事公固辭武人不學不足以當太任天子使中貴人趣公入院公於朝廷臨義慨慷言無所顧計至於親戚故舊待之亦皆當理而有恩故人為人求官於公公問其得謝幾何故人辭窮以實對公亦不拒也歸而使家人以銀與之曰爾所求者在此矣官非吾有不可得冠頃之除樞密副使三年除明州奉國軍節度觀察留後同知樞密院事四年除安德軍節度使五年檢校太尉充宣徽南院使寶元元年李元昊叛公嘗請將以扞邊天子不許曰吾以公謀司也卒所以鎮撫扞治者亦

多公計策始人或以公威名聞天下而狀九奇偉疑
非人臣之相御史中丞孔道輔因以為人言如此公
不宜典機密在上左右 天子不得已以公為武寧
軍節度使徐州大都督府長史赴本鎮賜手詔慰遣
而言曰皆尚論公未止也又以公為右千牛衛上將
軍知隨州人為公懼恬然唯不接賓客而已移曹州
或聞孔道輔死以告曰是嘗害公者今死矣公獻然
曰孔中丞豈嘗害者乎彼其心所以事君當如此也
惜乎朝廷無一忠臣言者服公以謂有德而終身自
愧其言曹人喜聞多盜佗日獄未嘗空也公在曹嘗
無一人囚者故矣慶曆二年除檢校司空保靜軍節

度使 天子以手詔賜公曰賜卿重地勉視事毋以
人言為憂有傷卿者朕不聽契丹使劉六符過澶州
喜曰六符聞公久矣過於此豈非幸也今此州歲大
孰豈非公仁政之効也公謝曰 明天子在上固常
多豐年此豈吾力也今朝廷多賢士大夫可畏者吾
老矣備位於此不足以累公稱數是歲移真定府等
路駐泊馬步軍都部署求奏事京師 天子使中貴
人諭公入覲除宣徽南院使判成德軍固辭不得未
行以契丹使使求周世宗所取三關故地聚兵幽薊
為若侵邊者乃移公判定州兼三路都部署聽以便
宜從事而以楊崇勳知成德軍崇勳使客問公所以

戰公曰吾患不仁不惠不威患不知不患無功蓋見敵而後勝可制吾所戰豈可以豫言也公至定州則明賞罰以教戰契舟使人未覘或以告勸公執殺公置之不問曰吾視士卒皆樂戰可用矣使彼得歸以告其主是伏人之兵以不戰也明日大閱于郊公提桴鼓誓師進退坐作終日不戮一人而畢乃下令具糗糧聽鼓於中軍將盡以次行唯吾其所鄉契舟聞之震恐已而天子密詔聞公方略公上書論近世用兵之失值今所以料敵制勝之方其備會兵罷從公知陳州過都天子使中貴人勞賜問公欲見否公辭謝備無功幸蒙上恩故誅徒內郡非有公

事當對者不敢見二年移孟州召還署直徽院事已而出判相州六年除同中書門下平章事判澶州七年移鄭州封祁國公八年還除會靈觀使又除樞密師判鄭州過都天子召見慰勞皇祐二年除集慶軍節度使追封莖國公三年以年老求致仕詔以太子太師致仕大朝會綴中書門下班公威名雖老矣尚為四夷所憚而天子亦賢公以為可屬大事也四年復強起公以為河陽三城節度使同中書門下平章事判鄭州六年遂以為樞密使契丹使至公伴射使口南朝以公使樞密而相富公可謂得人矣天子聞之賜公御方一矢五十以寵焉嘉祐九年進

封魯國公以年老求去位至六七 天子為之不得
已猶以為忠武軍節度使景靈宮使又以為同羣牧
制置使有詔五日一會朝給扶者以一子若孫一人是
歲公年七十八矣明年二月辛未公以疾薨 天子
至其第為之罷朝一日又為之素服發哀苑中而以
太尉中書令告其第又賜以黃金水銀龍腦等物出
內人撫其諸子公忠實樂易與人不疑不詰小過望
之藪然有不可犯之色及就之温如也平生少玩好
不以名位驕人而所得祿賜多施之親黨善治軍旅
寬仁愛士卒士卒樂為之盡與士大夫遊士大夫亦
多服其度以為慕也夫人米氏武勝軍節度使

延渥之女也累封安定郡夫人先公卒後以子追封
榮國夫人孝慈恭儉有助於公男子咸熙東頭供奉
官早卒以子故累贈至右千牛衛將軍次咸融西京
左藏庫使果州團練使次咸夔內殿崇班早卒次咸
英洪備庫副使次咸康內殿承制文四人長嫁尚書
駕部郎中張叔詹其次嫁太常博士程嗣恭國子博
士寇諱皆早卒孫七人澤淵皆內殿崇班閤門祗候
叔左待禁洪左班殿直潭右班殿直沅瀛左待禁温
未仕叔淇皆早卒曾孫二人任左待禁价未仕公子
卜以五月甲申葬管城之先塋而國夫人拊謹具公
歷官行事狀請牒考功太常議謚并史館

實文閣待制常公墓表

右正言實文閣待制特贈右諫議大夫汝陰常公以熙寧十年二月己酉卒以五月壬申葬臨川王某誌其墓曰公學不期言也正其行而已行不期聞也信其議而已所不取也可使貪者矜焉而非彫斲以為廉所不為也可使弱者立焉而非矯抗以為勇官之而不事召之而不赴或曰必退者也然此而已矣及為今天子所禮則出而應焉於是天子悅其志虛已而問焉使蒞諫職以觀其迪已也使董學政以觀其造士也公所言乎上者無傳然皆知其忠而不阿所施乎下者無助然皆見其正而不苟詩曰胡不萬年惜乎既病而歸死也自周道隱觀學者所取舍人抵時所好也違俗而適已獨行而特起嗚呼公賢遠矣傳載公父莫如以石石可磨也亦可泐也謂公且朽不可得也

太常博士鄭君墓表

德安鄭湜書其父太常博士諱詒字正臣之行治伐閱世次因其妹壻廣陵朱介之以來請曰鄭氏故家榮陽有善果者卒於唐江州刺史而子孫為德安人自善果至胙七世生裔為樂清縣令君之太父也裔生東君之父也以詩書教授鄉里而終不仕君以景祐四年進士為洪州都昌縣主簿於是令老矣事皆

决於君而都昌至今稱以為能又為廬州合肥縣尉
盜發輒得故其後無敢為盜者又為同州朝邑縣令
當陝西兵事起案簿書度民力所堪以均賦後而人
不困又掌集慶軍書記歲旱轉運使不欲除民租以
屬其守而使君出視君以實除民租如法又遷祕書
省著作佐郎知南康軍南康縣移知梧州方是時儂
智高為亂吏多避匿即不往君獨亟往治城壘集吏
民以守而州無事經畧使舉君以知賓州再遷至太
常博士而歸為陵臺令召見言事稱旨賜緋衣銀魚
未赴以嘉祐二年三月二十四日卒年六十君前夫
人張氏後夫人吳氏子男三人其長則湜也次公次

深文四人其三人已嫁矣董振何贄朱介之其壻也
君為人孝友諒直得人一善君已出能振窮急而自
養允儉約自賓州歸所齎無南方一物其平生所為
如此今既以其年某月某日葬君德安之永泰鄉谷
步里而未有以碣諸墓也敢因介之以告介之於余
為外姻而其妻能道君之實將懼泯沒而無聞數涕
泣厲其夫求得余之一言以表之墓上蓋余嘗奉使
江東游九江上廬山愛其山川而問其州人士大夫
之賢而可與游者莫能言也今湜能言其父之賢如
此問其州人之游仕於此者乃以為良然嗟乎鄭君
誠如此豈特一鄉之善士歟而其子男與女子又能

如此故為序次其說使表之墓上

臨川王荆公文集卷之九十終

